

第一〇冊目次

佛說一切如來真實攝大乘現證三昧大教王經三十卷	宋施護譯	一
大乘本生心地觀經八卷	唐般若等譯	二四〇
大乘寶要義論十卷	宋法護等譯	三四四
佛說除蓋障菩薩所問經二十卷	宋法護譯	四〇七
佛說大乘大方廣佛冠經二卷	宋法護等譯	五二〇
佛說身毛喜豎經三卷	宋惟淨等譯	五二九
聖佛母般若波羅蜜多九頌精義論二卷	宋法護譯	五五〇
佛說八種長養功德經一卷	宋法護譯	五五六
穢迹金剛說神通大滿陀羅尼法術靈要門經一卷	唐無能勝譯	五五八
穢迹金剛法禁百變法門經一卷	唐阿質達霰譯	五六〇
不動使者陀羅尼秘密法一卷	唐金剛智譯	五六五
金剛恐怖集會方廣軌儀觀自在菩薩三世最勝心明王經一卷	唐不空譯	五七四
金剛頂一切如來真實攝大乘現證大教王經三卷	唐不空譯	五九二
金剛恐怖集會方廣軌儀觀自在菩薩三世最勝心明王大威力烏樞瑟摩明王經三卷	唐阿質達霰譯	六二八

大宋新譯三藏聖教序

大乘現證三昧大教王經一帙十卷 實一

太宗神功聖德文武皇帝製

大矣哉我佛之教也化導群迷闡揚宗性廣博宏辯英彥莫能究其旨精微妙說庸愚豈可度其源義理幽玄真空莫測包括萬象譬喻無垠綜法網之紀綱演無際之正教拔四

生於苦海譯三藏之秘言天地變化乎陰陽日月盈虧乎寒暑大則說諸善惡細則比於恒沙含識萬端弗可盡述若窺像法如影隨形離六情以長存歷千劫而可久須彌納藏於芥子如來坦蕩於無邊達磨西來法傳東土宣揚妙理順從指歸彼岸菩提愛河生滅用行於五濁惡趣拯溺於三業途中經垂世以難窮道無私而永泰雪山貝葉若銀臺之耀目歲月煙蘿起香界之自遠巍巍罕測杳杳難名所以道資十聖德被三賢至道起於乾元衆妙生乎太易摠繁形類竅鑿昏明絕彼是非開茲蒙昧有西域法師天息災等常

持四忍早悟三乘翻貝葉之真詮續人天之聖教芳猷重啓運偶昌時潤五聲於文章暢四始於風律堂堂容止穆穆輝華曠劫而昏墊重明玄門昭顯軌範而彌光妙法淨界騰音利益有情俱登覺岸無成障礙救諸疲羸冥昧慈悲浩汗物表柔伏貪假啓滌昏愚演

小乘聲聞合其儀論大乘正覺立其性含靈悟而蒙福藏教缺而重興幻化迷途火宅深喻雖設其教不知者多善念生而無量潛臻惡業興而隨緣皆墮調御四衆積行十方澍華雨於金輪護恒沙於王闕有頂之風不可壞無際之水弗能漂澄寂湛然圓明清淨之智慧性空無染妄想解脫之因緣可以離煩惱於心田可以得清涼於宇宙朕慙非博學釋典微閑豈堪序文以示來者如縻螢燭火不足比之於皎日將微蠡量海未能窮盡於深淵者哉
繼作聖教序

御製

高明肇分三辰方乃序其次厚載初定萬彙
於以發乎端清濁之體既彰善惡之源是顯
然後以文物立其教以正典化其俗利益之
功同歸於理於是乎像法來於西國真諦流
於中夏洞貫千古真實之理無以窮囊括九
圍玄妙之門莫能究言乎妄想則五蘊皆空
現乃真容則一毫圓滿廣大之教豈能紀述
者哉伏觀

太宗神功聖德文武皇帝法性周圓仁慈普
布化蠻貊則萬邦輻湊躋烝民於仁壽之鄉
崇教法則四海雲從惠蒼生於富庶之域見
尊經之浩汗設方便以救沉淪知法界之恢
宏行精進而攝懈怠乃擇其邃宇校彼真文
命天竺之高僧譯貝多之佛語象管翻成於
金字珠編復置於琅函龍宮之聖藻惟新驚
嶺之苾芻仰歎由是三乘共貫四諦同圓盡
苦空真正之言顯秘密精研之義讚相相乎

實相論空空乎盡空華嚴之理合軌轍金像
之教同規矩續嗣
不構恭臨寶圖常翼翼而撫兆民每兢兢而
守

先訓以至釋典尤未精詳諒其幽深曷能探
測有譯經西域僧法賢奏章懇切致意專勤
以

先皇帝大闡真風高傳佛旨與前王之墜典
振覺路之類網欲旌天造之功庸用廣

聖文之述作請予製序繼聖教焉自

聖考上僊追號罔息政事之外何暇經心今
已禪除思臻微輿雖幼承慈誨奈夙乏通才

實一

焉窮乎法海之津涯莫造乎空門之閭域畧
敷大意以徇輿情蹄涔不足擬浴日之波尺
筵豈能量昊天影聊述短序以紀

聖功者焉

佛說一切如來真實攝大乘現證三昧大教
王經卷第一

要覽三藏朝奉太師光祿勳傳法高僧曇首尼謹等奉 謹

金剛界大曼拏羅廣大儀軌分第一之一
如是我聞一時世尊大毗盧遮那如來具足
一切如來金剛加持種種最勝三昧耶智獲
得一切如來殊勝寶冠三界法王最上灌頂
成就一切如來一切智智大相應主能作一
切如來一切智印平等增上種種事業悉能
圓滿普盡無餘諸有情界一切意願常住三
世一切身語心金剛大慈悲者爲一切如來
勸請稱讚在色究竟天王宮中安處廣大摩
尼寶殿彼有衆色珠鬘瓔珞鈴鐸繒幡間錯
垂布微風吹擊出和雅音半滿月等衆所莊
嚴與九十九俱胝大菩薩衆俱所謂金剛手
菩薩摩訶薩觀自在菩薩摩訶薩虛空藏菩
薩摩訶薩妙吉祥菩薩摩訶薩起平等心轉
法輪菩薩摩訶薩虛空庫菩薩摩訶薩摧諸
魔力菩薩摩訶薩如是等菩薩摩訶薩而爲
上首

復有疏伽沙數等諸如來示現彼天乃至徧
滿閻浮提中猶如胡麻而彼無量無數諸如
來身一一身中悉現無量無數佛刹一一佛
刹還復說此秘密法門

是時世尊大毘盧遮那如來以一切如來互
相涉入故平等安住一切虛空身語心金剛

以一切如來無邊故爲一切金剛界覺悟智
大士開發一切盡虛空界極微塵量金剛加
持出生智藏施設大金剛智大灌頂寶盡一
切虛空舒徧真如智現成正等覺以一切如
來身自性清淨故即一切法自性清淨以一
切如來不空事業勝所作故徧一切虛空悉

現諸色普盡無餘諸有情界起善調伏一切
勝行廣作一切無等無上種種事業從是出
生一切賢聖所謂

一切如來大菩提堅固大士一切如來鉤召
三昧一切如來受樂智自在一切如來善所
作一切如來大灌頂寶一切如來日輪光明

一切如來大摩尼寶幢一切如來大笑一切如來大清淨法一切如來大智慧一切如來大輪一切如來祕密語一切如來不空種種事業一切如來大精進妙堅固鎧一切如來徧持護金剛藥叉一切如來身語心金剛縛智印是諸賢聖惣攝頌曰

金剛薩埵普賢尊 妙不空王金剛王
摩羅謂即金剛受 金剛善哉極喜王
聖虛空藏金剛寶 大妙光曰金剛光
妙寶幢即金剛幢 大喜笑謂金剛笑
能觀自在金剛法 妙吉祥智金剛利
諸曼拏羅金剛因 無言是即金剛語

種種事業金剛業 精進甲冑金剛護
猛惡吞噉金剛牙 堅固執持金剛拳
幟幟金剛鉤箭喜 寶日幢幡及大笑
蓮華劒并妙輪語 羯磨甲冑怖堅持
無始無終常寂靜 暴惡忿怒大安忍
夜叉羅刹善無畏 威勢猛惡大富盛

寶一

五

烏摩天主并世主 堅固勝根大寂默
護世空居與地居 三世及彼三界等
大種善作衆生益 一切設嚙宗祖等
生死涅槃常如是 正所流轉大復大
覺性清淨大乘法 於三有中常利益
彼降三世寂靜生 寂靜生主能調伏

堅固主宰妙勝地 大智波羅蜜多法
一切菩薩解脫門 一切如來諸勝行
正覺善利諸佛心 一切菩提無有上
毗盧遮那最勝尊 自然惣持諸正念
摩訶薩埵大智印 三摩地生佛事業
成就一切諸佛身 覺悟衆生常利益

彼大根本即大黑 而大貪染爲大樂
諸大方便大勝上 一切勝宮大自在
介時具德大菩提心普賢大菩薩住一切如
來心時一切如來示現徧滿此佛刹中猶如
胡麻皆悉雲集詣一切義成菩薩坐菩提場
所即爲示現受用身告彼菩薩言善男子若

不能知一切如來真實智忍諸難行行云何
證得阿耨多羅三藐三菩提是故汝今於此
應起勇悍之意成所作故

尔時一切義成菩薩摩訶薩由諸如來為警
覺已即從阿婆煩那迦三摩地起頂禮一切
如來已作是白言世尊如來願教示我云何

所行云何是真實智忍

時諸如來異口同音向彼菩薩咸作是言大

士汝應觀察自心三摩地如是所行是真實

忍當以自性成就大明隨所樂而誦大明曰

唵引唧多鉢囉合二底微引鄧迦嚕引彌句一

時彼菩薩白諸如來言以世尊一切如來教

示我故我見自心淨月輪相諸如來言善男

子心自性光明猶如徧修功行隨作隨成亦

如白衣易成染色

尔時一切如來以自性光明心智豐盛成所

作故為彼菩薩復說大明曰

唵引冒地唧多母怛波引二合捺夜引彌句一

即以如是自性成就大明為令發起大菩提心
時彼菩薩得諸如來教示發菩提心已復白
諸如來言世尊如來如其所有淨月輪相我
亦如是得見自心淨月輪相諸如來言一切
如來心從普賢心生齊等堅固如善所行以
一切如來自普賢心出生堅固成所作因應

於自心淨月輪中思惟金剛相說是大明曰

唵引底瑟姪合二嚕日囉二合一句

時彼菩薩白諸如來言世尊如來我已得見

淨月輪中妙金剛相諸如來言汝堅固此一

切如來大普賢心真實金剛說是大明曰

唵引嚕日囉引二合怛摩合二酤引欣呼即切下同一句

是時徧一切虛空界互相涉入一切如來身

語心大金剛界以一切如來加持力混入薩

埵金剛中

時諸如來乃為具德一切義成大菩薩立秘

密名號金剛界即以金剛大灌頂法而為灌頂

尔時金剛界大菩薩白諸如來言世尊如來

我見一切如來身即是己身諸如來言大士
薩埵金剛諸相具足如理應觀諸佛影像當
以如自性成就大明隨所樂而誦大明曰
嚩引野他引薩哩嚩合二他引誡多引一薩

怛合二他引欣句二

時諸如來如是說已彼金剛界大菩薩以一

突一

七

切如來身即是己身將成正覺向一切如來
徧頂禮已作是白言唯願世尊一切如來加
持於我我所現成正等正覺令得堅固一切
所作時諸如來即入金剛界如來薩埵金剛中
尔時具德金剛界大菩薩於剎那中以一切
如來平等智現成正覺已即入一切如來金

剛平等最上智印秘密三昧現證一切如來
法平等智自性清淨成就一切如來一切平
等自性光明智是故成滿如來應供正等正覺
時諸如來即從一切如來薩埵金剛中出持
虛空藏大摩尼寶爲作灌頂從觀自在法智
發生一切如來種種事業善安立已咸詣須

彌山頂金剛摩尼寶峯樓閣中

是時金剛界如來得一切如來所加持已於
一切如來師子座中隨諸方面如理安住
尔時阿闍如來寶生如來觀自在王如來不
空成就如來是諸如來以世尊釋迦牟尼如
來成一切如來所加持身一切平等善通達

故向一切方徧觀察於其四方隨方而坐
尔時世尊大毘盧遮那如來以一切如來普
賢心證覺未久已受一切如來虛空所生大
摩尼寶最上灌頂已待一切如來觀自在法
智最上波羅蜜多已於一切如來種種事業
不空無礙教中國滿所作圓滿意樂爲一切

如來自身加持故即入一切如來普賢大菩
薩三昧出生薩埵加持金剛三摩地此各一
切如來大乘現證三昧即一切如來心從自
心出說是大明曰
嚩日囉合二薩埵句一

纔出一切如來心時即彼如是具德普賢大

菩薩成衆多月輪同時出現普淨一切有情
大菩提心已於一切如來周而住是諸月
輪從一切如來智金剛出即入世尊大毘盧
遮那如來心以普賢性妙堅牢故安住金剛
薩埵三摩地以一切如來所加持故合爲一
體成五峯光明鬘盡虛空界周徧爲量是中

卷一

出現一切如來身語心金剛所成金剛杵相
是相從一切如來心出已住佛掌中然後復
從金剛杵中現金剛相淨妙光明具有種種
殊勝色相普徧照耀一切世界復從金剛光
明門出現一切世界極微塵量等如來像徧
滿法界互相涉入究竟一切盡虛空界普徧
一切世界雲海具足一切如來平等智通發
生一切如來大菩提心成辦普賢種種勝行
承事一切如來往菩提場摧諸魔軍證成一
切如來平等無上大菩提果轉正法輪於普
盡無餘諸有情界廣作一切拔濟利樂成就
一切如來三昧智通最上悉地示現一切如

來神通遊戲以普賢性於金剛薩埵三摩地
妙堅牢故合爲一體從是出生普賢大菩薩
身安住世尊大毘盧遮那如來心說此頌曰
大哉清淨我普賢 堅固薩埵自然生
由彼堅固本無身 金剛薩埵身出現
余時普賢大菩薩身從世尊心下於一切如

來前月輪中如理而住復請教示

余時世尊即入一切如來智三昧金剛三摩
地受用一切如來戒定慧解脫解脫知見從
大智方便大精進力起大智三昧轉妙法輪
廣爲一切普盡無餘諸有情界拔濟利益爲
一切主宰普令獲得適悅快樂乃至得一切

卷一

力

如來平等智通最上大乘現證三昧殊勝悉
地等即一切如來成就金剛杵授與一切
如來大轉輪王一切佛身寶冠繒帛所灌頂
者普賢大菩薩雙手掌中然後一切如來即
爲立名號金剛手以金剛手灌頂法而爲灌
頂

尔時金剛手菩薩摩訶薩現高舉相右手戲擲彼金剛杵安自心間作勇進勢說此頌曰

此是一切大覺尊 成就無上金剛杵

令得授於我掌中 金剛中住金剛相

尔時世尊復入不空王大菩薩三昧出生薩埵加持金剛三摩地此名一切如來鈎召三

昧即一切如來心從自心出說是大明曰

縛日囉_{合囉引惹句}

纔出一切如來心時即彼如是具德金剛手

菩薩乃成一切如來大金剛鈎爲出現已即

入世尊大毘盧遮那如來心合爲一體從是

出現大金剛鈎相住佛掌中然後從彼金剛

鈎相中出現一切世界極微塵量等如來像

作一切如來請召等事於一切世界施設諸

佛神通游戲已彼不空王性於金剛薩埵三

摩地妙堅牢故合爲一體出生不空王大菩

薩身住於世尊入毘盧遮那如來心說此頌曰

大哉我此不空王 金剛出生金剛鈎

普徧觀察一切佛 平等悉召作成就

是時不空王大菩薩身從世尊心下於一切

如來右月輪中如理而住復請教示

尔時世尊即入一切如來請召三昧金剛三

摩地以是一切如來請召三昧於普盡無餘

諸有情界普徧鈎召爲作利益悉令獲得適

悅快樂乃至令得一切如來集會加持最上

悉地然後以彼大金剛鈎授與不空王大菩

薩雙手掌中時諸如來即爲立名號金剛鈎

以金剛鈎灌頂法而爲灌頂

尔時金剛鈎菩薩摩訶薩即以所授大金剛

鈎普召一切如來說此頌曰

此是一切大覺尊 最勝無上金剛智

所有諸佛成就事 最上悉地皆能召

佛說一切如來真實攝大乘現證三昧大教

王經卷第一

實一

佛說一切如來真實攝大乘現證三昧大教
王經卷第二

實二

要譯經三藏新奉大慈覺禪師傳授師勝紫雲門尾護筆奉 詔譯

金剛界大曼拏羅廣大儀軌分第一之二
尔時世尊復入摩羅大菩薩三昧出生薩埵
加持金剛三摩地此名一切如來隨愛樂三

昧即一切如來心從自心出說是大明曰

縛日羅合二囉引誠句

纔出一切如來心時即彼如是具德持金剛
者成一切如來華器仗為出現已即入世尊
大毗盧遮那如來心合為一體從是出現大
金剛箭相住佛掌中然後從彼金剛箭相中

出一切世界極微塵量等如來像作一切如
來隨愛樂事等以一切佛神通遊戲於一切
世界廣施作已彼摩羅性於金剛薩埵三摩
地妙堅牢故合為一體出生摩羅大菩薩身
住世尊大毗盧遮那如來心說此頌曰
大哉我本自性淨 一切隨染自然生

由本清淨離諸染 是故以染而調伏
是時摩羅大菩薩身從世尊心下於一切如
來左月輪中如理而住復請教示

尔時世尊即入一切如來隨愛樂金剛三摩
地以一切如來摧伏金剛三昧於普盡無餘
諸有情界悉使受樂皆令獲得適悅快樂乃

至得一切如來摩羅事業最上悉地殊勝之

果即以金剛箭授與摩羅大菩薩雙手掌中

時諸如來即為立名號金剛弓以金剛弓灌

頂法而為灌頂

尔時金剛弓菩薩摩訶薩以彼金剛箭向一

切如來作摩羅事說此頌曰

此是一切大覺尊 染智清淨無瑕穢

以彼染法害清淨 是故常施諸安樂

尔時世尊復入歡喜王大菩薩三昧出生薩

埵加持金剛三摩地此名一切如來極喜三

昧即一切如來心從自心出說是大明曰

縛日羅合二娑引度句

纔出一切如來心時即彼如是具德持金剛者成金剛善哉相即入卅尊大毗盧遮那如來心合爲一體從是出現金剛喜像住佛掌中然後從彼金剛喜像中出一切世界極微塵量等如來像廣作一切善哉等事以一切如來神通遊戲於一切世界廣施作已彼極

實二

二

喜王性於金剛薩埵三摩地妙堅牢故合爲一體出生極喜王大菩薩身住卅尊大毗盧遮那如來心說此頌曰

大哉我此大善哉 是即一切諸勝智
若有能斷分別者 能生究竟大歡喜

是時極喜王大菩薩身從卅尊心下於一切

如來後月輪中如理而住復請教示

尔時卅尊即入一切如來等喜金剛三摩地以一切如來無上極喜智三昧於普盡無餘諸有情界等作一切利益歡喜普令獲得適悅快樂乃至得一切如來無上喜味勝悉地果即以金剛喜像授與極喜王大菩薩雙手

掌中時諸如來即爲立名號金剛喜以金剛喜灌頂法而爲灌頂

尔時金剛喜菩薩摩訶薩即以所授金剛喜像向一切如來作金剛善哉歡喜之相說此頌曰

此是一切大覺尊 能轉一切善哉相

善作一切喜金剛 金剛妙喜令增長

此是大菩提心一切如來鉤召三昧一切如來隨樂智大歡喜一切如來大三昧大士

尔時卅尊復入虛空藏大菩薩三昧出生寶加持金剛三摩地此名一切如來灌頂三昧即一切如來心從自心出說是大明曰

實二

三

爾日囉合二囉怛那

纔出一切如來心時以一切虛空平等性智善通達故金剛薩埵三摩地妙堅牢故合爲一體即彼如是具德持金剛者成一切光明爲出現已是彼光明周徧照耀一切世界成一切虛空界

尔時一切如來所加持一切虛空界混入世尊大毗盧遮那如來心妙徧修故從金剛薩埵三摩地胎藏所成一切虛空界中出現大金剛寶像等一切世界徧徧爲量住佛掌中然後從彼金剛寶像中出一切世界極微塵量等如來像作一切如來灌頂等以一切如

來神通遊戲於一切世界廣施作已彼一切虛空界性出生於金剛薩埵三摩地妙堅牢故合爲一體出生虛空藏大菩薩身住世尊大毗盧遮那如來心說此頌曰

大哉我此妙灌頂 金剛大寶勝無上
由彼諸佛無所著 是故名爲三界主

是時虛空藏大菩薩身從世尊心下於一切如來前月輪中如理而住復請教示

尔時世尊即入一切如來大摩尼寶金剛三摩地以一切如來圓滿意樂三昧於普盡無餘諸有情界悉令獲得一切義利及得一切通悅快樂乃至得一切如來成就勝義最上

悉地即以金剛摩尼寶及金剛寶輪金剛寶牙灌頂授與虛空藏大菩薩雙手掌中時諸如來即爲立名號金剛藏以金剛藏灌頂法而爲灌頂

尔時金剛藏大菩薩以彼金剛摩尼寶安自灌頂更說此頌曰

此是一切大覺尊 灌頂一切有情界
今得授於我掌中 此即寶中安寶相

尔時世尊復入大威光大菩薩三昧出生寶加持金剛三摩地此名一切如來光明三昧即一切如來心從自心出說是大明曰

嚩日囉^{實二}合帝^引惹句^一

實二

四

纔出一切如來心時即彼如是具德持金剛者成衆多日輪爲出現已即入世尊大毗盧遮那如來心合爲一體從是出現金剛日輪之相住佛掌中然後從彼金剛日輪相中出一切世界極微塵量等如來像放一切如來大光明等以一切如來神通遊戲於一切世

界廣施作已彼大妙光性於金剛薩埵三摩地妙堅牢故合爲一體出生大威光大菩薩身住卅尊大毗盧遮那如來心說此頌曰

大哉無喻大妙光 遍照一切有情界
救卅一切大覺尊 能淨一切清淨者
是時無垢大威光大菩薩身從卅尊心下於

一切如來右月輪中如理而住復請教示

卽時卅尊卽入一切如來大光明輪加持金剛三摩地以一切如來光明三昧令普盡無餘諸有情界悉獲無喻光明照觸及得一切適悅快樂乃至得一切如來自心光明最上悉地卽以金剛日相授與大威光大菩薩雙

手掌中時諸如來卽爲立名號金剛光以金剛光灌頂法而爲灌頂

卽時金剛光菩薩摩訶薩卽以所授金剛日相普徧照耀一切如來說此頌曰

此是一切大覺尊 能破一切無智闇
於微塵數日光中 此日光明勝增三

實二

五

卽時卅尊復入寶幢大菩薩三昧出生寶加持金剛三摩地此名一切如來圓滿意願三昧卽一切如來心從自心出說是大明曰

轉日囉合計引觀句

纔出一切如來心時卽彼如是具德持金剛者成彼種種巧妙色相莊嚴幢幡爲出現已

卽入卅尊大毗盧遮那如來心合爲一體從是出現金剛幢相住佛掌中然後從彼金剛幢相中出一切世界極微塵量等如來像建立一切如來妙寶幢等以一切佛神通遊戲於一切世界廣施作已彼大寶幢性於金剛薩埵三摩地妙堅牢故合爲一體出生寶幢大菩薩身住卅尊大毗盧遮那如來心說此頌曰

大哉無等妙寶幢 我作一切義成就
若欲諸願圓滿者 令彼一切事圓滿
是時寶幢大菩薩身從卅尊心下於一切如來左月輪中如理而住復請教示

尔時世尊即入一切如來建立加持金剛三摩地以一切如來如意王大摩尼幢建立三昧於普盡無餘諸有情界悉令圓滿一切意願獲得一切適悅快樂乃至得一切如來廣大義利最上悉地之果即以金剛幢授與寶幢大菩薩雙手掌中時諸如來即為立名號

金剛喜以金剛喜灌頂法而為灌頂

尔時金剛喜菩薩摩訶薩以彼金剛幢安立一切如來施波羅蜜多說此頌曰

此是一切大覺尊 能滿一切諸意願

此名如意大寶幢 布施波羅蜜多法

尔時世尊復入常歡喜根大菩薩三昧出生

寶加持金剛三摩地此名一切如來歡喜三昧即一切如來心從自心出說是大明曰

縛日囉合二賀引婆句

纔出一切如來心時即彼如是具德持金剛者成一切如來大笑相為出現已即入世尊大毗盧遮那如來心合為一體從是出現金

寶二

六

剛笑像住佛掌中然後從彼金剛笑像中出一切世界極微塵量等如來像作一切如來希有事等以一切如來神通遊戲於一切世界廣施作已彼歡喜性於金剛薩埵三摩地妙堅牢故合為一體出生常歡喜根大菩薩身住世尊大毗盧遮那如來心說此頌曰

大哉我此大喜笑 一切最上大希有

安立諸佛眾利益 是故常住妙等引

是時常歡喜根大菩薩身從世尊心下於一切如來後月輪中如理而住復請教示

尔時世尊即入一切如來希有加持金剛三摩地以一切如來希有出生三昧於普盡無

餘諸有情界悉令圓滿無上諸根獲得一切適悅快樂乃至得一切如來諸根清淨智神通果等即以金剛笑相授與常歡喜根大菩薩雙手掌中時諸如來即為立名號金剛喜以金剛喜灌頂法而為灌頂

尔時金剛喜菩薩摩訶薩以彼金剛笑相於

一切如來作大歡喜說此頌曰

此是一切大覺尊 希有示現所出生

此大歡喜智善作 而彼他師不能知

此是大灌頂尋光輪大利有情金剛大笑一

切如來灌頂大士

今時世尊復入觀自在大菩薩三昧出生法

實二

七

加持金剛三摩地此名一切如來大法三昧

即一切如來心從自心出說是大明曰

嚩日囉_{仁達哩摩二句}

變出一切如來心時即彼如是六德持金剛

者以自性清淨法平等智已通達故於金剛

薩埵三摩地中成正法生明為出現已是光

徧照一切世界混然成一淨妙法界而彼普

盡廣大法界乃入世尊大毗盧遮那如來心

合為一體周徧一切虛空界量從是出現大

金剛蓮華相住佛掌中然後從彼金剛蓮華

相中出一切世界極微塵量等如來像施作

一切如來三摩地智神境通等以一切佛神

通遊戲於一切世界廣施作已被觀自在性
於金剛薩埵三摩地妙堅牢故合為一體出
生觀自在大菩薩身住世尊大毗盧遮那如
來心說此頌曰

大哉我此第一義 本來清淨自然生

所有諸法如筏喻 是故清淨而可得

是時觀自在大菩薩身從世尊心下於一切

如來前月輪中如理而住復請教示

今時世尊即入一切如來三摩地智金剛三

摩地以一切如來清淨三昧令普盡無餘諸

有情界自他清淨成諸利益及得一切適悅

快樂乃至得一切如來法智神通果等即以

金剛蓮華及正法轉輪一切如來法身灌頂

授與觀自在菩薩摩訶薩雙手掌中時諸如

來即為立名號金剛眼以金剛眼灌頂法而

為灌頂

今時金剛眼菩薩摩訶薩以彼金剛蓮華妙

開敷故即貪清淨以自性無染善觀察故乃

偏觀察說此頌曰

此是一切大覺尊 覺悟貪染真實性
今得授於我掌中 是即法中安於法

佛說一切如來真實攝大乘現證三昧大教

王經卷第二

實二 八末

佛說一切如來真實攝大乘現證三昧大教
王經卷第三

實三

西譯經三藏朝奉義疏師傳法大師闡明沙門慧護等奉 詔譯

金剛界大曼拏羅廣大儀軌分第一之三

亦時世尊復入妙吉祥大菩薩三昧出生法

加持金剛三摩地此名一切如來大智慧三

昧即一切如來心從自心出說是大明曰

時日羅_二底_引刹拏_二句_合

繞出一切如來心時即彼如是具德持金剛

者成大慧劍為出現已即入世尊大毗盧遮

那如來心合為一體從是出現金剛劍相住

佛掌中然後從彼金剛劍相中出一切世界

極微塵量等如來像起一切如來大智慧等
以一切佛神通遊戲於一切世界廣施作已
彼妙吉祥性於金剛薩埵三摩地妙堅牢故
合為一體出生妙吉祥大菩薩身住世尊大
毗盧遮那如來心說此頌曰

大哉一切大覺尊 即我名為妙音聲

由彼正慧無色故 是故音聲而可得

是時妙吉祥大菩薩身從世尊心下於一切

如來右月輪中如理而住復請教示

亦時世尊即入一切如來大智慧金剛三摩

地以一切如來斷結使三昧於普盡無餘諸

有情界令斷諸苦悉獲利益及得一切適悅

快樂乃至得一切如來隨順音聲大慧圓滿

最上悉地即以金剛劍授與妙吉祥大菩薩

雙手掌中時諸如來即為立名號金剛慧以

金剛慧灌頂法而為灌頂亦時金剛慧菩薩

摩訶薩即以所授彼金剛劍向一切如來作

揮斫相說此頌曰

此是一切大覺尊 般若波羅蜜多理
能斷一切勝怨敵 滅除一切諸罪垢
尔時世尊復入起平等心轉法輪大菩薩三
昧出生法加持金剛三摩地此名一切如來
大輪三昧即一切如來心從自心出說是大
明曰

縛日囉合二引觀句一

纔出一切如來心時即彼如是具德持金剛
者成金剛界大曼拏羅等一切如來曼拏羅
為出現已即入世尊大毗盧遮那如來心合
為一體如是出現金剛輪相住佛掌中然後
從彼金剛輪相中出一切世界極微塵量等

實三

二

如來像乃起平等心轉妙法輪等以一切佛
神通遊戲於一切世界廣施作已而彼起平
等心轉法輪性於金剛薩埵三摩地妙堅牢
故合為一體出生起平等心轉法輪大菩薩
身住世尊大毗盧遮那如來心說此頌曰
大哉金剛所成輪 即我金剛最上法

由纔發起平等心 即轉無上妙法輪
是時起平等心轉法輪大菩薩身從世尊心
下於一切如來左月輪中如理而住復請教示
尔時世尊即入一切如來大輪金剛三摩地
以一切如來大曼拏羅三昧於普盡無餘諸
有情界悉令入於不退轉輪獲諸利益及得

一切適悅快樂乃至得一切如來轉正法輪
最上悉地勝妙之相即以金剛輪授與起平
等心轉法輪大菩薩雙手掌中時諸如來即
為立名號金剛場以金剛場灌頂法而為灌頂
尔時金剛場菩薩摩訶薩以彼金剛輪安立
一切如來不退轉性說此頌曰

此是一切大覺尊 一切諸法清淨者
金剛不退轉大輪 此即名為菩提場
尔時世尊復入無言大菩薩三昧出生法加
持金剛三摩地即一切如來心從自心出說
是大明曰

縛日囉合二婆引沙合二

實三

三